

খৃস্টধর্মের মৌলিক বিশ্বাস ও তার খন্ডন

খৃস্টধর্মের মৌলিক বিশ্বাস ৫টি।

১. ত্রিত্ববাদ।

২. অবতারত্ববাদ।

৩. শূলবিন্দু হওয়া বিশ্বাস।

৪. পুনর্জীবিত হওয়ার বিশ্বাস।

৫. পাপমোচন বা প্রায়শ্চিত্তে বিশ্বাস।

التثليث (ত্রিত্ববাদ) বলতে কি বুঝায়?

ত্রিত্ববাদ

আল্লাহ তায়ালা অস্তিত্ব এবং তার গুণাবলী সম্পর্কে খৃস্টানদের ধারণা অন্যান্যদের মতোই। কিন্তু আল্লাহ তায়ালা সম্পর্কিত ধারণার ব্যাখ্যা তারা ভিন্নভাবে দিয়ে থাকে। তারা বলেন, আল্লাহ তিন সত্তার সমষ্টি। (Trinity) বা ত্রিত্ববাদ।

(Trinity) বা ত্রিত্ববাদ-এর সাধারণ অর্থ ‘তিনত্ব’, তিনের সমাহার বা তিনের সমষ্টি। খৃস্টধর্মের পরিভাষায় এর অর্থ (the unity of Father, Son, and Holy Spirit as three persons in one Godhead): পিতা, পুত্র ও পবিত্র আত্মা এই তিনজন ব্যক্তি হিসেবে এক ঈশ্বরত্বের মধ্যে একত্রিত হওয়া। তিন সত্তা নির্ধারণে খ্রিস্টানদের মধ্যে মতবিরোধ লক্ষ করা যায়। প্রসিদ্ধ মতে তিন সত্তা হলো- পিতা, পুত্র, রুহুল কুদুস (পাক রুহ)। কেউ বলেন- পিতা, পুত্র, কুমারী মেরী।

*খৃস্টানগণ বিশ্বাস করেন যে, একত্ববাদ ও ত্রিত্ববাদ উভয়ই প্রকৃত, বাস্তব ও আক্ষরিক সত্য, কোনোটিই রূপক বা আপেক্ষিক নয়।

* ত্রিত্ববাদীগণ বিশ্বাস করেন যে, ত্রিত্বে বিশ্বাস করা, অর্থাৎ পিতা, পুত্র ও পবিত্র আত্মা এ তিনটি স্বয়ংসম্পূর্ণ, স্বাধীন ও পৃথক সত্তার সমন্বয়ে ঈশ্বরের সত্তা গঠিত এবং এ তিনটি সম্পূর্ণ স্বাধীন, পৃথক ও পরিপূর্ণ ঈশ্বর মিলে এক ঈশ্বর- এ কথা বিশ্বাস করাই মুক্তির একমাত্র পথ।

খৃস্টান পণ্ডিতগণ সকলেই একমত যে, (Trinity) শব্দটি বাইবেলের পুরাতন বা নতুন নিয়মের কোথাও নেই। খৃস্টের কোনো বাক্যে কখনো এ শব্দটি বা এ অর্থের কোনো শব্দ ব্যবহৃত হয় নি। এমনকি খৃস্টের প্রেরিতগণ, শিষ্যগণ বা তাদের শিষ্যগণও এ পরিভাষাটি কখনো ব্যবহার করেন নি। মূলত দ্বিতীয়-তৃতীয় শতাব্দীতে এ পরিভাষাটির জন্ম। কে এই পরিভাষাটি প্রথম ব্যবহার করেছিলেন তাও নিশ্চিতরূপে জানা যায় না। খৃস্টান ধর্মগুরুগণ মনে করেন যে, দ্বিতীয়-তৃতীয় খৃস্টীয় শতাব্দীর প্রসিদ্ধ ধর্মগুরু কার্থেজের প্রেসবিটার (Presbyter) টার্টোলিন (Tertullian), যিনি ২২০ খৃস্টাব্দের পরে মৃত্যুবরণ করেন, তিনিই সর্বপ্রথম এ পরিভাষাটি ব্যবহার করেন। তখনো এ পরিভাষাটির অর্থ ও ব্যবহার স্পষ্ট ছিল না। সত্যিকার অর্থে বিগত ২০০০ বৎসরে কখনো এ পরিভাষাটির অর্থ স্পষ্ট হয় নি। খৃস্টধর্মের মধ্যে অগণিত দল, উপদল ও মতভেদ মূলত এ বিশ্বাসটির ব্যাখ্যা নিয়ে। প্রথম খৃস্টীয় শতকে অনেক খৃস্টান সম্প্রদায়ই

একেশ্বরবাদী ছিলেন। মানুষ ঈশ্বর হতে পারে, বা ঈশ্বর মানুষের দেহ গ্রহণ করতে পারেন এরূপ বিশ্বাস কখনোই ইহুদীদের মধ্যে ছিল না। তবে পৌত্তলিক রোমানগণের মধ্যে এরূপ বিশ্বাস অতি-প্রচলিত ছিল। তাঁরা সম্রাটকেও ঈশ্বর বা ঈশ্বরের প্রতিভূ হিসাবে পূজা করতো। এছাড়া গ্রীক দর্শনভিত্তিক রোমান ধর্মে ‘প্রজ্ঞা’ (Logos)-কে ঈশ্বরের প্রকাশ বলে বিশ্বাস করা হতো। মিস্টার পৌল ও প্রথম যুগের কিছু খ্রিস্টান গুরু এ সকল বিশ্বাসকে ভিত্তি করে প্রথমে ‘যীশুর’ ঈশ্বরত্ব প্রমাণের চেষ্টা করেন। এরপর এ বিশ্বাসের সাথে ‘একত্ববাদে’র সমন্বয় এবং যীশুর ঈশ্বরত্বের সাথে মানবত্বের সমন্বয় করার ক্রমাগত প্রচেষ্টার চূড়ান্ত রূপ হলো এই ত্রিত্ববাদ।

*তৃত্ববাদ নিয়ে তাদের দলীলগুলোর অগ্রহণযোগ্যতা।

১. মতি:- ২৮নং অধ্যায়ের ১৯ অনুচ্ছেদে বলা হয়েছে- তোমরা সমুদয় জাতিকে পিতা, পুত্র ও পবিত্র আত্মার নামে বাপ্তাইজ কর। এখানে পিতা, পুত্র ও পবিত্র আত্মার নামে বাপ্তাইজ করা অর্থাৎ এ তিনজনের প্রতি বিশ্বাস রেখে তাওবা করে খ্রিস্টধর্মে দীক্ষিত হতে বলা হয়েছে। এখানে কোথাও এ তিনজন মিলে এক ঈশ্বর এরকম কোন বাক্য প্রয়োগ হয়নি। যেভাবে আমরা মুসলিম জাতীরা বিশ্বাস করি আল্লাহ তায়ালা তার ওহী জিবরীল আমীন আ. এর মাধ্যমে মুহাম্মাদ সাল্লাল্লাহু আলাইহি ওয়া সাল্লাম এর কাছে প্রেরণ করেছেন। এ বিশ্বাস না করলে কেউ মুমিন হতে পারবেনা।

২. মতি:- ৩নং অধ্যায়ের ১৬ অনুচ্ছেদে বলা হয়েছে- ঈশ্বরের আত্মা কপুতের আকৃতিতে যীশুর কাছে আসে এবং আকাশের দিক থেকে এই বাণী হইল ইনিই আমার প্রিয় পুত্র, ইহাতে আমি প্রীত।

এখানে বলা হয়নি ঈশ্বরের অংশ পৃথিবীতে এসে যীশুর রূপ ধারণ করলো। বরং এখানে ব্যক্ত করা হচ্ছে যীশু ঈশ্বরের আত্মাকে কপুতের আকৃতিতে তার কাছে আসতে দেখলেন। বাইবেলের এ বক্তব্য দ্বারা কি ত্রিত্ববাদ বা এই তিনে মিলে এক ঈশ্বর প্রমাণিত হয়?

আমরা জানি সমস্ত আত্মাই আল্লাহ তায়ালায় পক্ষ থেকে আসা, একটি নির্দেশ, সকল আত্মাই তার, তবে অংশ নয়। আত্মার পরিচয় সম্পর্কে আল্লাহ তায়ালা বলেন-

وَيَسْأَلُونَكَ عَنِ الرُّوحِ قُلِ الرُّوحُ مِنْ أَمْرِ رَبِّي وَمَا أُوتِيتُمْ مِنَ الْعِلْمِ إِلَّا قَلِيلًا

তারা আপনাকে রূহ সম্পর্কে জিজ্ঞেস করে। বলে দিনঃ রূহ আমার পালনকর্তার আদেশ ঘটিত। এ বিষয়ে তোমাদেরকে সামান্য জ্ঞানই দান করা হয়েছে। (সূরা ইসরা-৮৫)

৩ এবং ৪নং- যোহন:- ১নং অধ্যায়ের ১ অনুচ্ছেদে বলা হয়েছে-আদিতে বাক্য ছিলেন, বাক্য ঈশ্বরের সহিত ছিলেন, এবং বাক্য ঈশ্বর ছিলেন। যোহন:- ১০নং অধ্যায়ের ৩০ অনুচ্ছেদে বলা হয়েছে- আমি ও পিতা, আমরা এক। যিহুদীরা আবার তাকে মারিবার জন্য পাথর তুলিল। পিতার শক্তিতে আমি অনেক ভালো কাজ করেছি, তার মাঝে কোন কাজের জন্য পাথর মারতে চাইছ? যিহুদীরা বলল উত্তম কাজের জন্য তোমাকে পাথর মারি না, কিন্তু ঈশ্বর নিন্দার (কুফুরীর) জন্য, কারন তুমি মানুষ হইয়া নিজেকে ঈশ্বর করিয়া তুলিতেছ, এই জন্য।

এ দুই স্থানে দেখা যাচ্ছে যীশুর ক্ষেত্রে ঈশ্বর শব্দের ব্যবহার। মূলত এখানে ঈশ্বর শব্দটি রূপক অর্থে ব্যবহার হয়েছে- আমরা যদি তাদের ৪র্থ দলীলের উল্লেখিত বক্তব্যের পরবর্তি অংশ অর্থাৎ ৩৪ এবং ৩৫ অনুচ্ছেদের দিকে লক্ষ করি তবে বিষয়টি পরিষ্কার হয়ে যাবো। ৩৪ যীশু তাদের বলেন-তোমাদের বিধি-ব্যস্থায় কি একথা লেখা নেই যে, আমি বলেছি তোমরা ঈশ্বর। ৩৫ শাস্ত্রে তাদেরই ঈশ্বর বলেছিল যাদের কাছে ঈশ্বরের বাণী এসেছিল; আর শাস্ত্র সব সময়ই সত্য।

এখান থেকে বিষয়টি পরিষ্কার যে, উক্ত অনুচ্ছেদে যীশুকে ঈশ্বর আল্লাহ অর্থে বলা হয়নি। শুধু যীশু নয় বাইবেলে রয়েছে ঈশ্বর শব্দের বহুমতক ব্যবহার।

যেমন:- * যাত্রা পুস্তক:- ৪:১৬ তোমার হয়ে হরোণ লোকদের সাথে কথা বলবে। তুমি হবে তার কাছে ঈশ্বর আর হরোণ হবে তোমার ভাববাদী।

* যাত্রা পুস্তক:- ৭:১ প্রভু মোশিকে বললেন, আমি তোমাকে ফরোনের কাছে ঈশ্বর করে তুলেছি।

*আদি পুস্তক- ৩২:২৮- এখানে ঈশ্বরের দূতকে ঈশ্বর বলা হয়েছে।

***গীতসংহিতা:- ৮২:৬ আমি বলছি তোমরা ঈশ্বর তোমরা সবাই মহান ঈশ্বরের সন্তান।**

বাইবেলের উক্ত উদ্ধৃতিগুলোর মাধ্যমে আমরা জানতে পারলাম যে, কারো নামের সাথে ঈশ্বর শব্দের ব্যবহার থাকলেই তাকে ঈশ্বর বলা যাবেনা। বরং রূপক অর্থে ব্যবহার হয়েছে বলে মানতে হবে। কারণ বাইবেলে বারংবার দ্ব্যর্থহীন ভাষায় উল্লেখ করা হয়েছে- ঈশ্বর কেবল মাত্র একজনই তোমরা একমাত্র তারই উপাসনা করো।

মূলত আল্লাহ তায়ালার জাতিসত্তা সম্পর্কে জ্ঞান না থাকার কারণে তাদের এ পদস্থলন ঘটেছে। এ জন্য আমরা ত্রিভুত্ববাদে বিশ্বাসী ভাই বোনদের গোমরাহী থেকে বাচানোর জন্য কুরআন ও বাইবেল থেকে আল্লাহ তায়ালার পরিচয় দাঁড় করাতে চাই।

বাইবেলে ঈশ্বর-

*মার্ক:- ১২: ২৮-৩২- যীশু উত্তর দিলেন, এটাই প্রধান! শোন হে ইস্রায়েল, আমাদের ঈশ্বর প্রভু একমাত্র প্রভু।

*মথি:- ৪:১০- দূর হও শয়তান ! কারণ শাস্ত্রে লেখা আছে, তোমরা অবশ্যই একমাত্র ঈশ্বরেরই উপাসনা করবে এবং তারই সেবা করবে।

*যোহন:- ১৭:৩- অনন্ত জীবন হলো এই; যারা তোমাকে এবং তুমি যাকে পাঠিয়েছ তাকে জানতে পায়।

*১ম তিমথী:- ৬:১৬- ঈশ্বরকে কেউ দেখতে পায়নাই পাবেওনা।

বাইবেল অনুযায়ী এই হচ্ছে সংক্ষেপে ঈশ্বরের পরিচয়। যারা ত্রিভুত্ব বিশ্বাসী তাদের ব্যাপারে কুরআনের ফায়সালা হচ্ছে-

لَقَدْ كَفَرَ الَّذِينَ قَالُوا إِنَّ اللَّهَ هُوَ الْمَسِيحُ ابْنُ مَرْيَمَ ۚ وَقَالَ الْمَسِيحُ يَا بَنِي إِسْرَائِيلَ اعْبُدُوا اللَّهَ رَبِّي وَرَبَّكُمْ ۚ إِنَّهُ مَنْ يُشْرِكْ بِاللَّهِ فَقَدْ حَرَّمَ اللَّهُ عَلَيْهِ الْجَنَّةَ وَمَأْوَاهُ النَّارُ ۚ وَمَا لِلظَّالِمِينَ مِنْ أَنْصَارٍ

তারা কাফের, যারা বলে যে, মরিয়ম-তনয় মসীহ-ই আল্লাহ; অথচ মসীহ বলেন, হে বণী-ইসরাঈল,

তোমরা আল্লাহর এবাদত কর, যিনি আমার পালন কর্তা এবং তোমাদেরও পালনকর্তা। নিশ্চয় যে ব্যক্তি

আল্লাহর সাথে অংশীদার স্থির করে, আল্লাহ তার জন্যে জান্নাত হারাম করে দেন। এবং তার বাসস্থান হয়

জাহান্নাম। অত্যাচারীদের কোন সাহায্যকারী নেই।

(সূরা মায়েদা-৭২)

لَقَدْ كَفَرَ الَّذِينَ قَالُوا إِنَّ اللَّهَ ثَلَاثُ ثَلَاثَةٍ ۚ وَمَا مِنْ إِلَهٍ إِلَّا إِلَهٌ وَاحِدٌ ۚ وَإِنْ لَمْ يَنْتَهُوا عَمَّا يَقُولُونَ لَيَمَسَّنَّ الَّذِينَ كَفَرُوا مِنْهُمْ عَذَابٌ أَلِيمٌ

নিশ্চয় তারা কাফের, যারা বলেঃ আল্লাহ তিনের এক; অথচ এক উপাস্য ছাড়া কোন উপাস্য নেই। যদি

তারা স্বীয় উক্তি থেকে নিবৃত্ত না হয়, তবে তাদের মধ্যে যারা কুফরে অটল থাকবে, তাদের উপর

যন্ত্রনাদায়ক শাস্তি পতিত হবে।

(সূরা মায়েদা-৭৩)

*এছাড়াও তাদের বিশ্বাস মানুষ আদি পাপে পাপী এব্যাপারে দু-এক কথায় জাবাব-

فَلَنَقُولَ آدَمُ مِنْ رَبِّهِ كَلِمَاتٍ فَتَابَ عَلَيْهِ ۚ إِنَّهُ هُوَ التَّوَّابُ الرَّحِيمُ

অতঃপর হযরত আদম (আঃ) স্বীয় পালনকর্তার কাছ থেকে কয়েকটি কথা শিখে নিলেন, অতঃপর আল্লাহ পাক তাঁর প্রতি (করুণাভরে) লক্ষ্য করলেন। নিশ্চয়ই তিনি মহা-ক্ষমাশীল ও অসীম দয়ালু। (সূরা বাকার-৩৭)

*কেউ কারো পাপের বোঝা বহন করবে না।

وَلَا تَكْسِبُ كُلُّ نَفْسٍ إِلَّا عَلَيْهَا وَلَا تَزِرُ وَازِرَةٌ وِزْرَ أُخْرَىٰ ۚ ثُمَّ إِلَىٰ رَبِّكُم مَّرْجِعُكُمْ فَيُنَبِّئُكُم بِمَا كُنتُمْ فِيهِ تَخْتَلِفُونَ

যে ব্যক্তি কোন গোনাহ করে, তা তারই দায়িত্বে থাকে। কেউ অপরের বোঝা বহন করবে না। অতঃপর তোমাদেরকে সবাইকে প্রতিপালকের কাছে প্রত্যাবর্তন করতে হবে। অনন্তর তিনি তোমাদেরকে বলে দিবেন, যেসব বিষয়ে তোমরা বিরোধ করতো। (সূরা আনআম-১৬৪)

*এব্যাপারে বাইবেলের দ্বিতীয় বিবরণ ২৪:১৬ অনুচ্ছেদে উল্লেখ রয়েছে-“সন্তান দোষ করলে পিতামাতার বা পিতামাতা দোষ করলে তার জন্য সন্তানের প্রাণদণ্ড দেওয়া যাবে না। কোন ব্যক্তিকে কেবল তার নিজের করা অন্যায়ের জন্যই প্রাণদণ্ড দেওয়া যাবে।

*যীশুকে আকাশে উঠিয়ে নেয়া হয়েছে। ক্রশে চড়াতে পারেনি।

وَقَوْلِهِمْ إِنَّا قَتَلْنَا الْمَسِيحَ عِيسَى ابْنَ مَرْيَمَ رَسُولَ اللَّهِ وَمَا قَتَلُوهُ وَمَا صَلَبُوهُ وَلَٰكِن سُبِّهَ لَهُمْ ۚ وَإِنَّ الَّذِينَ اخْتَلَفُوا فِيهِ لَفِي شَكٍّ مِّنْهُ ۚ مَا لَهُمْ بِهِ مِنْ عِلْمٍ إِلَّا اتِّبَاعَ الظَّنِّ ۚ وَمَا قَتَلُوهُ يَقِينًا

আর তাদের একথা বলার কারণে যে, আমরা মরিয়ম পুত্র ঈসা মসীহকে হত্যা করেছি যিনি ছিলেন আল্লাহর রসূল। অথচ তারা না তাঁকে হত্যা করেছে, আর না শুলীতে চড়িয়েছে, বরং তারা এরূপ ধাঁধায় পতিত হয়েছিল। বস্তুতঃ তারা এ ব্যাপারে নানা রকম কথা বলে, তারা এক্ষেত্রে সন্দেহের মাঝে পড়ে আছে, শুধুমাত্র অনুমান করা ছাড়া তারা এ বিষয়ে কোন খবরই রাখে না। আর নিশ্চয়ই তাঁকে তারা হত্যা করেনি। (সূরা নিসা-১৫৭)

যীশুকে টেনে হেঁচড়ে নেয়া হয়েছে, স্ব-ইচ্ছায় তিনি জাননি।